

ა(ა)იპ წმინდა ალექსი შუშანიას სახელობის მართლმადიდებლური
სკოლა-გიმნაზიის
სანიტარულ-ჰიგიენური ნორმების დაცვის წესი



წმინდა ალექსი შუშანიას სახელობის მართლმადიდებლური
სკოლა-გიმნაზიის დირექტორის

ბრძანება

№248

28 დეკემბერი 2022წ.
სენაკი

წმინდა ალექსი შუშანიას სახელობის მართლმადიდებლური სკოლა-გიმნაზიის
სანიტარულ-ჰიგიენური ნორმების დაცვის წესის დამტკიცების შესახებ

„ზოგადი განათლების შესახებ“ საქართველოს კანონის 43-ე მუხლის მე-2 პუნქტისა და
სკოლა-გიმნაზიის დებულების მე-18 მუხლის მე-4 პუნქტის საფუძველზე

ვბრძანებ:

1. დამტკიცდეს წმინდა ალექსი შუშანიას სახელობის მართლმადიდებლური სკოლა-გიმნაზიის
სანიტარულ-ჰიგიენური ნორმების დაცვის წესი ამ ბრძანების დანართის შესაბამისად;
2. დაევალოს სკოლა-გიმნაზიის საქმისმწარმოებელ ია ოჩიგავას ამ ბრძანების დაინტერესებულ
პირთათვის გაცნობა;
3. შევიდეს ბრძანება ძალაში ხელმოწერისთანავე.

სკოლა-გიმნაზიის დირექტორი

/ნინო ჯანჯღავა/

სარჩევი

მუხლი 1. ზოგადი დებულება.....	4
მუხლი 2. სანიტარულ-ჰიგიენური ნორმების დაცვის პროცედურები.....	4
მუხლი 3. მოთხოვნები წყლით უზრუნველყოფისადმი.....	5
მუხლი 4. ნარჩენების გატანის პროცედურები.....	5
მუხლი 5. დასკვნითი დებულება.....	5

მუხლი 1. ზოგადი დებულება

- 1.1 წინამდებარე წესი განსაზღვრავს ა(ა)იპ წმინდა ალექსი შუშანიას სახელობის მართლმადიდებლური სკოლა-გიმნაზიის (შემდგომში - სკოლა-გიმნაზია) სანიტარულ-ჰიგიენური ნორმების დაცვის წესს.
- 1.2 წინამდებარე წესის მიხედვით განსაზღვრული წესები ვრცელდება სკოლა-გიმნაზიაში არსებულ როგორც საერთო სარგებლობის სივრცეებზე, ასევე სასწავლო და სამუშაო სივრცეებზე.

მუხლი 2. სანიტარულ-ჰიგიენური ნორმების დაცვის პროცედურები

2.1. სანიტარულ-ჰიგიენური ნორმების დაცვა საერთო სარგებლობის სივრცეებში

- 2.1.1. სკოლა-გიმნაზიის ფოიე და დერეფნები ყოველდღიურად უნდა დალაგდეს სველი წესით, სასწავლო პროცესის დასრულების შემდეგ. იატაკი უნდა გაირეცხოს, გაიწმინდოს მტვრიანი ზედაპირები (კიბის მოაჯირები, მაგიდები, სკამები, ფანჯრის რაფები);
- 2.1.2. ფანჯრები გაიწმინდოს დაბინძურების შესაბამისად, მაგრამ წელიწადში არანაკლებ ორჯერ;
- 2.1.3. საკლასო ოთახები უნდა განიავდეს შესვენებებზე. სასწავლო პროცესის დასრულების შემდეგ იატაკი გაიწმინდოს სველი წესით და მაგიდის ზედაპირები გასუფთავდეს მტვრისგან.

2.2. სანიტარულ-ჰიგიენური ნორმების დაცვა საპირფარეშოებსა და სველ წერტილებში

- 2.2.1. სკოლა-გიმნაზიის შიდა სანიტარული კვანძები უნდა აკმაყოფილებდეს შემდეგ მოთხოვნებს:
 - ყველა სართულზე უნდა იყოს მოწყობილი ტუალეტები გოგონებისა და ბიჭებისთვის;
 - შენობაში პედაგოგებისა და სხვა პერსონალისთვის უნდა არსებობდეს ცალკე სანიტარული კვანძი დამოუკიდებელი შესასვლელით;
 - სანიტარულ კვანძებს უნდა ჰქონდეთ ბუნებრივი განათება და ვენტილაცია;
 - ტუალეტებში უზრუნველყოფილი უნდა იყოს პრივატულობა და დაცულობა.
- 2.2.2. საპირფარეშოში იატაკი, ნიჟარები და უნიტაზები უნდა გაირეცხოს ჯაგრისით სარეცხი-სადენზინფექციო საშუალებების გამოყენებით, ეტიკეტზე მითითებული რეკომენდაციების შესაბამისად, ხოლო ეპიდსაშიში სიტუაციის დროს 30 წთ-ის განმავლობაში დამუშავდეს 1%-ანი ქლორის ხსნარით;
- 2.2.3. ხელსაბანი ნიჟარა უზრუნველყოფილი უნდა იყოს: თბილი 37-38°C წყლის უწყვეტი ნაკადით; ფიქსირებულ დისპენსერში არსებული თხევადი საპნით; ერთჯერადი ხელსახოცით; ხელსაბანი ნიჟარის ან საპირფარეშოს კართან მოთავსებული ნარჩენების კონტეინერით;
- 2.2.4. საპირფარეშოს კარების სახელურები უნდა გაიწმინდოს სადეზინფექციო ხსნარით;
- 2.2.5. სანიტარული კვანძის დასუფთავებისთვის გამოიყენება მარკირებული ინვენტარი, უნდა ინახებოდეს განცალკევებით და დამუშავდეს ყოველი სამუშაო დღის ბოლოს.

2.3. სანიტარულ-ჰიგიენური ნორმების დაცვა სატრაპეზოში

- 2.3.1. სკოლა-გიმნაზიის სატრაპეზოში (სამზარეულო და ბუფეტი) უნდა დალაგდეს მოსწავლეების ტრაპეზის(სადილის) დასრულების შემდეგ;
- 2.3.2. მაგიდები უნდა გაირეცხოს ცხელი წყლითა და საპნით, ხოლო ეპიდჩვენებისას უნდა დამუშავდეს სადეზინფექციო საშუალებებით.;
- 2.3.3. სატრაპეზოს იატაკი უნდა გაირეცხოს სარეცხი-სადეზინფექციო საშუალებების გამოყენებით;

- 2.3.4. სატრაპეზოს ჭურჭელი რეცხვის წინ უნდა გათავისუფლდეს საკვების ნარჩენებისგან, შემდეგ კი გაირეცხოს ცხელ წყალში სარეცხი საშუალებებით, შემდეგ გამდინარე წყლით და ბოლოს გაშრეს თაროზე;
- 2.4. დასუფთავებისთვის გამოყენებული საყოფაცხოვრებო ქიმიური საშუალებები და სადეზინფექციო საშუალებები უნდა ინახებოდეს სპეციალურად ამ მიზნისთვის განკუთვნილ, ჩაკეტილ სათავსოში, პირვანდელი შეფუთვით და არ იყოს ხელმისაწვდომი გარეშე პირთათვის;
- 2.5. თვეში ერთხელ უნდა ჩატარდეს შენობის გენერალური დასუფთავება.

მუხლი 3. მოთხოვნები წყლით უზრუნველყოფისადმი

- 3.1 სკოლა-გიმნაზიას უნდა გააჩნდეს სასმელი და სამეურნეო დანიშნულების წყალმომარაგება, რომელიც უზრუნველყოფს უსაფრთხო და საკმარისი რაოდენობით წყლის მიწოდებას სასმელი და სამეურნეო მიზნებისთვის (ხელის დაბანა, საკვების მომზადება, ტუალეტების ჩარეცხვა, ოთახების დასუფთავება);
- 3.2 სასმელი დანიშნულების წყალი უნდა იყოს შეფასებული შესაბამისი კომპეტენტური სამსახურების მიერ სასმელად ვარგისიანობაზე, კანონმდებლობით დადგენილი წესით;
- 3.3 სამზარეულო, ბუფეტი და სანიტარული კვანძი უზრუნველყოფილი უნდა იყოს ცხელი წლის მომარაგებით;
- 3.4 წყლის რეზერვუარი საკმარისი მოცულობის თავდახურულ ავზს უნდა წარმოადგენდეს, რომელიც პერიოდულად გაიწმინდება და ჩაუტარდება დეზინფექცია (დეზინფექციის შემდგომ ავზს აუცილებლად უნდა გამოევიდოს სუფთა წყალი);
- 3.5 სასმელი წყლით მოსწავლეთა უზრუნველყოფა დასაშვებია, როგორც წყლის დისპენსერების, ასევე წყლის შადრევნების გამოყენებით.

მუხლი 4. ნარჩენების გატანის პროცედურები

- 4.1 სკოლა-გიმნაზიის გარე ტერიტორია (ეზო) უნდა დასუფთავდეს ყოველდღიურად ;
- 4.2 ყოველდღიურად უნდა განხორციელდეს მყარი ნარჩენების შეგროვება ოთახებში, სამზარეულოში, ადმინისტრაციულ და სხვა სათავსოებში და მოხდეს უსაფრთხო გატანა შენობიდან;
- 4.3 მოგროვებული ნარჩენი უნდა ჩაიყაროს ეზოში არსებულ თავსახურიან ნაგავშემკრებ კონტეინერებში;
- 4.4 ნაგვის კონტეინერი შენობიდან მოშორებით უნდა იყოს განთავსებული;
- 4.5 ნაგვის კონტეინერები უნდა დაიცლოს ყოველდღიურად.

მუხლი 5. დასკვნითი დებულება

- 5.1 სკოლა-გიმნაზიის სანიტარულ-ჰიგიენური ნორმების დაცვის წესს ამტკიცებს დირექტორი ნორმატიული აქტით;
- 5.2 წინამდებარე წესში ცვლილებების და დამატებების განხორციელება შესაძლებელია დირექტორის მიერ გამოცემული ნორმატიული აქტით;